

माहारियारि नोगोरारि मुं सानख'थाय (गोरलै बिथिंजों मावफुंनाय)



आसामनि सुबुंफोरनि मोनसे हास्थायलु सिमाडा जाफुंबाय!

दुलाराय आसामाव मोन 2500 एन आर चि सिबिथाय मिरु (एन एस के) बेखेवनानै बै मिरुफोराव 1951 माइथायनि माहारियारि नोगोरारि मुं थिसन आरो 1971 माइथायसिम फोसावजानाय भ'टार बिलाइफोर (जायखौ जयै लिगेसि डाटा बुंनाय जायो) फोसावनायनि गेजेरजों माहारियारि नोगोरारि मुं सानख'नाय खामानिखौ मिथिहोनाय जाबाय।

माहारियारि नोगोरारि मुंखौ माबोरै सानख'नाय जागोन ?

जायफोर सुबुं एबा बिथांमोननि फोलेरनि मुंआ 1951 माइथायनि माहारियारि नोगोरारि मुं एबा 1971 माइथायनि 24 मार्च (हर गेजेर) सिम फोसावजानाय भ'टार फारिलाइनि जायखिजाया गांसेयाव दड बिथांमोननि मुडा माहारियारि नोगोरारि मुं फारिलायाव थिसनजागोन। सोरहाबा एबा फोलेरनि मुडा लिगेसि डाटायाव गैयाब्ला 24 मार्च, 1971 (हर गेजेर)नि सिगाडाव नुजानाय जायखिजाया गांसे फोरमानलाइ दडब्ला बिथांमोननि मुंखौबो माहारियारि नोगोरारि मुं थिसन फारिलायाव थिसननाय जागोन। फोसावथायफोरा जाबाय- 1) भुमिस्वत्त/रायतीस्वत्तनि फोरमान 2) नोगोरारि मोनथायनि फोरमानफोर 3) हालामारि थागुबैनि फोरमानलाइ 4) शरनार्थी मुं लानायनि फोरमान 5) पासपर्ट फोरमान 6) भारतीय जीवन बीमा निगमनि बीमा पलिचि 7) सरखार आ गथायनाय सिनायथि एबा फोरमानलाइ 8) सरखार/समाजारि खोन्दोनिफ्राय मोननाय फोरमानलाइ 9) बैंक/डाकघरनि हिसाबनि फोरमानलाइ 10) जोनोमनि फोरमानलाइ 11) बर्ड/मुलुग सोलौंसालियाव फरायनायनि फोरमानलाइ 12) आदालतनि नटि/आदालतनि अजदगोनां बिलाइ 13) जुलिनि उनाव गुबुन मोनसे गामिसिम थांनाय आइजोफोरनि थाखाय गामि पन्चायतनि नेहाथारिया होनाय फोरमानलाइ आरो गामियारि बिबानगिरिया मुसलेखा होनाय फोरमानलाइ/जुलिनि उनाव नोगोरनिफ्राय थांनाय आइजोफोरनि थाखाय सार्कल अफिसार आ गथायनाय फोरमानलाइ 14) 1971 माइथायनि 24 मार्च (हर गेजेर) सिम गेदेमा बिबानगिरिया गथायनाय रेचन कार्ड। *13 आरो 14 नं फारिनि मिथिहोनाया उफ्रा मिथिहोनायसो।

माहारियारि नोगोरारि मुं सानख'नाय बिथिं

सानख'नो थाखाय लानाय माहारियारि नोगोरारि मुं फारिलायाव थिसननायनि गोनां बिथांखिया जादों लिगेसि डाटायाव एबा गोजौआव मुंख'नाय फोरमान लाइफोराव मुं थानाय सुबुंफोरजों लोगोसे आरज गथायग्रानि सोमोन्दै आबुडै मिथिहोनाय हानाय। माहारियारि नोगोरारि मुं सानख'नायनि गुबुन गुबुन बिथिंखौ गाहायाव होनाय जाबाय।

लिगेसि डाटा फोसावनाय थाखो-

इन्टरनेट, एन आर चि सिबिथाय मिरु (एन एस के) आरो भ'ट नाजाव मिरुफोराव नौनारिफोरनि दावबायनायनि थाखाय 1951 माइथायनि माहारियारि नोगोरारि मुं थिसन आरो 1971 माइथायनि सिगानि गासैबो भ'टार फारिलाइ फोसावनाय जादों जेराव नोगोरारिफोरा फोलेर सोमोन्दोनि सुबुं नागिरनानै मोनगोन। (बे थाखिये 27 मार्च, 2015 अक्टनिफ्राय मोन 2500 एन एस के वेखेवनाय जादों।)

आरजलाइ राननाय आरो नाजावनाय थाखो

2015 माइथायनि एप्रिल दान जोबनायनि सिगां नखर नखर आरजलाइ राननाय जागोन। गोनांथि बादिये फोसावलाइनि गेजेरजों आबुडै सुफुंजानाय आरजलाइखौ थिखानाय एन एस के मिरुआव 2015 माइथायनि एप्रिल दाननि जोबनायनिफ्राय 2015 माइथायनि 31 जुलाइसिम नाजावनाय जागोन।

नायबिजरनायनि थाखो

जुलाइ दाननिफ्राय अक्टबर 2015 सिम सरखारि बिबानगिरिफोरजों दाजानाय नायबिजरग्रा आफादआ माहारियारि नोगोरारि मुं फारिलायाव मुं थिसननायनि थाखाय आरजलाइ गथायनाय आरजगिरिफोरनि बागै नायबिजरनायखौ फोजेबगोन।

माहारियारि नोगोरारि मुं फारिलाइ फोसावनायनि बिथांखि

2015 माइथायनि अक्टबर दाननि जोबनायनि सानख'थाय माहारियारि नोगोरारि मुं थिसन बिथांखि फोसावनाय जागोन। 2015 माइथायनि नवेम्बर दानाय बिथांखि माहारियारि नोगोरारि मुं थिसननायनि बागै गथायनाय दावि/आरज नाजावनाय आरो गनायनाय जागोन।

जोबथा नोगोरारि फोसावनाय

सानख'थाय जोबथा माहारियारि नोगोरारि मुंखौ 2016 माइथायनि जानुवारी दाननि गेजेराव फोसावनाय जागोन।



माहारियारि नोगोरारि मुं थिसननायाव नोंथांनि मुंखौ माबोरै थिसननो नांगौ ?

- आरज' बिलाइजों लोगोसे लिगेसि डाटा कड एबा गुबुन गुबुन गोनांथि गोनां फोरमानलाइ बुथुमनायनि गेजेरजों।

आरज' बिलाइ जमा होनाय:

- न' न' थांना आरज' बिलाइ राननाय।
- एन आर सि सिबिथाइ मिरु (एन एस के)आव आरज'लाइ मोननाय जागोन। आरज' बिलाइखौ एन आर सि अवेब साइट (nrcassam.nic.in) निफ्राय डाउनलड खालामनो हागोन।
- आबुं नडै आरज' बिलाइआव पटक खफि बाहायनो हागोन।
- आबुडै सुफुंनाय आरज' बिलाइखौ एन आर सि सिबिथाय मिरुयाव जमा होनो हागोन। आरज' बिलाइखौ अनलायेननि जोहैबो (nrcassam.nic.in) जमा होनो हागोन।
- आरज' लाइजों लोगोसे न'खरनि गासैबो सोद्रोमाफोरनि पटक खफि आरो गोनांथि गोनां फोरमानलाइफोरखौ जमा होनांगोन।

2015 माइथाइनि एप्रिल दाननि जोबथा खालार फोरसे सोरखारनि जोहै जेब्ला आरजलाइ नाजावनायनि थाखाय मिथिहोनाय जागोन अब्ला आबुडै सुफुंनाय आरज' बिलाइखौ एन आर सि सिबिथाय मिरु (एन एस के) सिम थांनानै एन आर सि अवेफ साइटआव आबलड खालामनो हागोन। एन आर सि सिबिथाइ मिरुया नोंथांखौ थोजासे हेफाजाब हागोन।

अननानै गोसोयाव लाखिदि, 1971 माइथाइनि 24 मार्च (दाननि गेजेराव)सिम फोसाव जानाय जायखि जाया बोसोरनि लिगेसि डाटा माहारियारि नोगोरारि मुं थिसनयाव मुं थिसननो थाखाय गोनांथि गोनां जागोन। लिगेसि डाटायाव थानाय मुंनि माबा मोनसे गोरोंथि थायोब्ला बैफोरनि बिथिंनि सायाव गोखों बिजिरसंनि खाबुं थागोन। बे बिथिंनि सायाव नाजाथावनाय जायोब्ला बिजिरसंनि बिजिरनाय सायाव सोनारनाय जागोन। लिगेसि डाटानि फोसावजानाय बिबुंथि / लिस्थुम बिबुंथि हायोब्ला जायखि जाया नोगोरारिजों लोगोसे लिगेसि डाटा कड नाजावनो थाखाय बेबायदि फोसावजानाय बिबुंथि महरै सोरखारि मावख'थाय थानाय लिगेसि डाटाजों लोगोसे मिलायनानै नायनाय जागोन। बे बिथिंनो नोगोरारिफोरा बेफोर बायदि फोसावजानाय बिबुंथिजों लोगोसे एन आर सि सिबिथाय मिरुसिम थांनानै एबा एन आर सि अवेफ साइटसिम आबुडै थार फोरमानखौ मोननो थाखाय लिगेसि डाटा क'ड बुथुमनो नांगोन। बेफोर बायदि आबुडै थार फोरमानखौ नोगोरारि सिबिथाय मिरुयाव गावनि फोरमानलाइफोरजों मिलाइनानै गोखों बिजिरसं खालामगोन।

नोगोरारि मुं थिसन सिबिथाय मिरुयाव एबा अनलायेननि जोहै लिगेसि डाटा नायनाय आरो लिगेसि डाटा क'ड नाजावनाया गासैबो बेसेन नाडा जासे।

माहारियारि नोगोरारि मुं थिसन फारिलाइयाव गोनांथि गोनां लिगेसि डाटा आरो गुबुन गुबुन नांगौ बायदि फोरमान बिलाइफोरखौ बुथुमनायनि थियारि खालाम फे जों गासिबो खौसेयै माहारि नोगोरारि मुं थिसन हाबाफारिनि खामानिखौ आबुं खालामना जौनि गावनि आरो इयुन जोनोमनि थाखाय मानसे जौगासारनायनि जारिमिन सुजुनो फे।

आबुडै मिथिनो आरो मदद
खालामनो थाखाय

जौनि बेसेन नाडै/फोनांजाब
नं. 15107

जौनि वेबसाइट
nrcassam.nic.in

राज्योयारि जौगाखां, माहारियारि नोगोरारि मुं थिसन,
आसामनि जोहै नोगोरारिनो फोसावनाय